


Dringender NOTFALL: Melody&Merlin, 16j.



suechet ganz dringänd zäme äs nöiis Daheime mit Freigang

Liebi Tierfründe

Mir sy d'Melody u dr Merlin u grad ganz truurig, wiu mir ganz allei sy uf diesere Wäut u drum es Plätzli suechet. Was isch passiert? Üses liebs Froueli het e Schlagafau ghett u cha üs nüm versorge. Ir Familie isch chei Platz für üs u itze wärde mir grad no so notdürftig versorget. Das sy chei Zueschtänd, mir bruuche e liebe Mönsch, bi dem mir wiuchomme sy u der zu üs lueget. Drum!

Mir sy Gschwüschterti, scho 16jährig, kaschtriert, gimpft, chippet, schtuberein, ganz zwöi liebi, ruhigi, aahänglechi, verschmuesti Chatze. Schmüsele isch das Gröschti für üs. Das gnüse mir. Mi sy guet erzoge, mache nüt kaputt, chratze u biise nie. Mir wärde grad bim Doc mau richtig dürechecket, leidr hei sy bir Melody d'chronisch Niereerchrankig feschtgschtäut, sy bruucht Nierefuetter u Medis. Abr sy macht da mit, das geit scho. Dr Merlin schient gsung, bechunnt abr ou no sini Untersuechig u es Bluetbiud gmacht, zur Sicherheit. Leidr hei mir böidi ziemlech schlächti Zähnli, das muess uf au Fäu gmacht wärde. Zahnweh isch nid luschtig. Du chennsch das sichr vo Dir, odr? Abr denn isch guet.

Mir sy scho immr zäme gsi u wönnt das ou bliibe. Drum wünsche mir üs so sähr wiedr e liebe Mönsch (odr zwöi), so wie üsses Froueli eis isch, einer der üs verwöhnt u zu üs lueget u üs versorget. Mir hätte ou gärn wiedr Freigang (nach Iigwönigsziit) i verchehrsarmer Umgäbig, en eigene Garte wär mega, mir gehn ja nid wiit, nur so ums Egg u bi di Nachbare luege, was dört so geit. Auso e ruhige gmüetlechi Huushaut bi liebi Lüüt, die wo vii daheime sy u üs verwöhne. Hung u Ching sy nüt für üs, abr e liebi Chatz isch cheis Problem, mir sy sähr soziau. Mir sy Seniore u damit ou die perfäkti Büsis für Seniore! Bisch du villlicht pensioniert odr sunsch vii daheime u wohnsch Du ebeärdig u hasch Du en Garte ums Huus ume? Ja? Denn müesset mir üs unbedingt lehre chenne. Mir wohne derziit noch z'Bern/BE, zügile abr gärn zu Dir, wo ou immr Du wohnsch. Mäud di doch bitte ganz gly bi dr Sonja Ball. Sie het sich mir agno u suechet für mi das Plätzli. Es pressiert üs es bitzeli!

Dini Melody&Merlin



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch